

**ხელშეკრულება
სახელმწიფო შესყიდვის შესახებ N_**

ქ. ბათუმი

_ _ 2018 წ.

ერთის მხრივ ქ. ბათუმის მუნიციპალიტეტის აღმასრულებელი ორგანო (შემდგომში – „შემსყიდველი“), წარმოდგენილი მუნიციპალიტეტის მერის ----- სახით და მეორეს მხრივ -----, (შემდგომში - „მიმწოდებელი“) წარმოდგენილი მისი დირექტორის ----- სახით, (ელექტრონული ტენდერი აუქციონის გარეშე - NAT-----) ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საფუძველზე მიმწოდებელი თანახმაა განახორციელოს ვიდეო-სამეთვალყურეო კამერების (სისტემების) მოვლა-პატრონობის მომსახურება (CPV50300000-პერსონალური კომპიუტერების, საოფისე აპარატურის, სატელეკომუნიკაციო და აუდიო-ვიზუალური მოწყობილობების შეკეთება, ტექნიკური მომსახურება და მათთან დაკავშირებული მომსახურებები) შემდგომში - „მომსახურება“, ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით. (მომსახურების ჩამონათვალი მოცემულია დანართში, რომელიც ხელშეკრულების განუყოფელ ნაწილს წარმოადგენს (ტექნიკური პირობები, ფასების ცხრილი), ასევე ხელშეკრულების განუყოფელ ნაწილს წარმოადგენს სახელმწიფო შესყიდვების ერთიან ელექტრონულ სისტემაში, ელექტრონული ტენდერის - NAT ----- ველში განთავსებული დოკუმენტაციები).

1.2. მიმწოდებელი ასრულებს, ხოლო შემსყიდველი ღებულობს შესრულებულ მომსახურებას და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.

1.3. წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

2. მომსახურების ღირებულება და ანგარიშწორების წესი

2.1. ხელშეკრულების საერთო ღირებულება შეადგენს -----,00 (-----) ლარს.

2.2. მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.

2.3. ანგარიშსწორება მიმწოდებელთან განხორციელდება ეტაპობრივად ფაქტიურად გაწეული მომსახურების მიხედვით, მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენის შემდეგ 10 (ათი) სამუშაო დღის განმავლობაში;

2.4. 2018 წელს შემსყიდველის მიერ მიმწოდებლის მიერ შესრულებული მომსახურების ღირებულების გათვალისწინებით ანაზღაურდება არაუმეტეს 184500,00 (ასოთხმოც-დაოთხიათას ხუთასი) ლარი, ამასთან შემსყიდველი უფლებამოსილია მიიღოს გადაწყვეტილება 2018 წელს დამატებითი დაფინანსების შესახებ.

2.5. მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით, მომსახურების შესრულების შესახებ შესაბამისი დოკუმენტების დართვით.

„შემსყიდველი“

(ხელმოწერა)

„მიმწოდებელი“

(ხელმოწერა)

2.6. მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.

2.7. მიმწოდებელმა ხელშეკრულების გაფორმების შემდგომ უნდა წარმოადგინოს ხელშეკრულების ყოველთვიური გადახდის სავარაუდო გრაფიკი. შემსყიდველის მიერ ანაზღაურება განხორციელდება აღნიშნული პირობის მიმწოდებლის მხრიდან შესრულების შემდგომ.

3. ხელშეკრულების ინსპექტირების პირობები

3.1. ხელშეკრულების შესრულების შემსყიდველის მხიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ტექნიკურ ზედამხედველობას განახორციელებს -----

შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიაწოდოს ქ. ბათუმის მერიის სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

3.2. ხელშეკრულების შესრულების შემსყიდველის მხიდან კონტროლის, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ტექნიკური ზედამხედველობის განხორციელების უფლებამოსილების 3.1. პუნქტის შესაბამისად შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე შესრულებული მომსახურების კონტროლისა და ტექნიკური ზედამხედველობის განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

3.3. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.

3.4. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

3.5. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მიღება-ჩაბარების წესი

4.1. შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში.

4.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

4.3. გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

4.4. შესყიდვის ობიექტის მიღება ფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად მიღება-ჩაბარების აქტის გაფორმების შემდეგ.

4.5. მომსახურება ჩაითვლება მიღებულად მხოლოდ ფაქტიურად გაწეული მომსახურების შემდეგ.

5. მხარეთა უფლება-მოვალეობანი

5.1. შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის სრული დაცვით.

5.2. შემსყიდველი ვალდებულია:

ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას.

ბ) მომსახურების შესრულების დამოწმებიდან 10 (ათი) სამუშაო დღის განმავლობაში მოახდინოს მიმწოდებელთან ანგარიშსწორება წინამდებარე ხელშეკრულების მე-2 მუხლის შესაბამისად.

5.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა.

ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

5.5. მიმწოდებელს უფლება აქვს მოსთხოვოს შემსყიდველს მიწოდებული მომსახურების, შუალედური და საბოლოო ანაზღაურება ხელშეკრულებით გათვალისწინებული პირობებით.

6. ხელშეკრულების პირობების შეუსრულებლობა

6.1. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს დაეკისრება პირგასამტეხლო, ყოველ ასეთ შემთხვევაზე 50 ლარის ოდენობით;

6.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

6.3. შემსყიდველის მიერ ხელშეკრულების ცალმხრივად შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ;

6.4. შემსყიდველი უფლებამოსილია წინამდებარე პუნქტით გათვალისწინებული პირგასამტეხლო გაუქვითოს მიმწოდებელს სახელშეკრულებო ფასიდან.

7. ხელშეკრულებაში ცვლილებების შეტანა ან შეწყვეტა

„შემსყიდველი“

(ხელმოწერა)

„მიმწოდებელი“

(ხელმოწერა)

- 7.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 7.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.
- 7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 7.5. მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.
- 7.6. შემსყიდველის მიერ ხელშეკრულება ცალმხრივად ვადამდე შეიძლება მოიშალოს (შეწყდეს):
- 7.6.1. მიმწოდებლის მიერ გაფრთხილების მიუხედავად ხელშეკრულების იმავე პირობების განმეორებით ან/და სხვა პირობების შეუსრულებლობის გამოვლენის შემთხვევაში;
- 7.6.2. ნაკისრი ვალდებულების შესრულების ვადის დადგომამდე აშკარა ხდება, რომ მიმწოდებელი დადგენილ ვადაში ვერ შეასრულებს ნაკისრ ვალდებულებას და დადგება ხელშეკრულებაზე უარის თქმის (შეწყვეტის) საფუძველზე, ხოლო შემსყიდველმა ურთიერთობის გაგრძელება ხელშეკრულებით დაუკავშირა ვალდებულების დროულ შესრულებას;
- 7.6.2. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად.
- 7.7. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.
- 7.8. ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.
- 7.9. ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

8. მომსახურების გაწევისა და ხელშეკრულების მოქმედების ვადები

- 8.1. მომსახურება უნდა განხორციელდეს ხელშეკრულების გაფორმებიდან 2019 წლის 25 დეკემბრამდე;
- 8.2. ხელშეკრულების მოქმედების ვადაა ხელშეკრულების გაფორმებიდან 2020 წლის 1 თებერვლამდე პერიოდი.

9. ხელშეკრულების შესრულების საგარანტიო უზრუნველყოფა

- 9.1. იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე - საბანკო გარანტია, გაცემული -----
----- ს მიერ. (№-----);

„შემსყიდველი“

(ხელმოწერა)

„მიმწოდებელი“

(ხელმოწერა)

9.2. ხელშეკრულების შესრულების საგარანტიო უზრუნველყოფაზე -----
----- ს მიერ მიმწოდებელზე გაცემული საბანკო გარანტია №----- ძალაშია -----
წლის -- ----- ჩათვლით.

10. ფორს-მაჟორული სიტუაციები

10.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

10.2. ხელშეკრულების შესრულების ვადა გადაიწევს შესაბამისი დროით, ფორს-მაჟორული გარემოებათა დასრულების შემდეგ.

10.3. მხარეს, რომელსაც შეექმნა ფორს-მაჟორული გარემოება, დაუყონებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

11. დავები და მათი გადაწყვეტის წესი

11.1. ხელშეკრულების დამდეგი მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს შეუძლია დადგენილი წესით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

12. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

13. შეტყობინება

13.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

13.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღე-ბიდან რომელი უფრო გვიანდგება.

14. სხვა პირობები

14.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14.2. ხელშეკრულება ძალაში შედის, მხარეთა მიერ მისი ხელმოწერის მომენტიდან.

14.3. ხელშეკრულება იდება ორი ერთნაირი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდებ მხარეებთან.

მხარეთა რეკვიზიტები და ხელმოწერები

„შემსყიდველი“

„მიმწოდებელი“

ქ. ბათუმის მუნიციპალიტეტის
ადმასრულებელი ორგანო
მის.: ქ. ბათუმი, ლუკა ასათიანის ქ. №25
ს/კ 245576826;
ბანკის დასახელება-სახელმწიფო ხაზინა
ბ/კ: TRESGE22
ანგ. №GE24NB0330100200165022
ქ. ბათუმის მუნიციპალიტეტის მერი

„შემსყიდველი“

(ხელმოწერა)

„მიმწოდებელი“

(ხელმოწერა)

ტექნიკური პირობები

• შესყიდვის ობიექტის დახასიათება

შესყიდვის ობიექტს წარმოადგენს ქალაქ ბათუმის მუნიციპალიტეტის ტერიტორიაზე განთავსებული 215 ერთეული IP კამერის (Pelco IXE31), 195 ერთეული ჩართვის წერტილის უწყვეტი კვებით მომარაგების სისტემისა და სასერვეროს, როგორც ერთიანი ვიდეო-სამეთვალყურეო სისტემის მოვლა-პატრონობა.

• მომსახურება მოიცავს:

1. მიმწოდებელი ვალდებულია მოახდინოს წუნდებული კამერის დიაგნოსტიკა და ყველა ღონე იხმაროს რათა მოხდეს ხარვეზის აღმოფხვრა (მოახდინოს IP კამერის პროგრამული კონფიგურაციის განულება (Soft და Hard რესეტი) და მიკროკოდების განახლება. ხოლო თუ IP კამერის ხარვეზი არ გამოსწორდება და დგინდება რომ იგი დაზიანებულია, მიმწოდებელმა საკუთარი სახსრებით უნდა უზრუნველყოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროდან“ დეფექტური აქტის, შემდგომში საექსპერტო დასკვნის წარდგენა, სადაც მითითებული უნდა იყოს კამერის მწარმოებელი, მოდელი და უნიკალური სერიული ნომერი;
2. მიმწოდებელი ვალდებულია კამერების ერთიან სისტემასთან დაკავშირებით ყველა ინციდენტი მართოს საკუთარი რესურსით, მათ შორის მონაცემთა გადაცემის ოპტიკურ-ბოჭკოვანი ქსელთან (შპს „მაგთიკომი“) და ენერგო დისტრიბუციასთან (სს „ენერგო-პრო ჯორჯია“) დაკავშირებული ყველა ხარვეზისა თუ შეფერხების შემთხვევაში სერვის პროვაიდერის სამორიგეო ტექნიკურ სამსახურთან მოახდინოს კოორდინირება და აწარმოოს ხარვეზის აღმოფხვრითი სამუშაოების მონიტორინგი;
3. მიმწოდებელმა, საკუთარი სახსრებით უნდა უზრუნველყოს უკლებლივ ყველა ჩართვის წერტილის (ბოძებზე განთავსებულ სპეციალურ ყუთებში) ახალი უწყვეტი კვების სისტემით აღჭურვა. პირველადი წყაროს გათიშვის შემთხვევაში ვიდეო-სამეთვალყურეო კამერამ დაუბრკოლებლად უნდა იმუშაოს მომდევნო 24 საათის განმავლობაში. გარდა IP კამერისა ასევე უნდა დაერთდეს ჩართვის წერტილში არსებული ქსელური აპარატურა. მიმწოდებლის მიერ დამონტაჟებულმა უწყვეტი კვების სისტემამ პირველადი ელ-კვების გათიშვა-ჩართვის შემთხვევაში უნდა გააგზავნოს შესაბამისი შეტყობინება სამეთვალყურეო ცენტრში, რაზეც თანამშრომლები მოახდენენ რეაგირებას;
4. ჩართვის წერტილის (ბოძებზე განთავსებულ სპეციალურ ყუთებში) პირველადი ელ-კვების წყაროს დაზიანების შემთხვევაში მიმწოდებელმა, ქ. ბათუმის მერიის მუნიციპალიტეტის წარმომადგენლებთან კოორდინირების შემდგომ უნდა მოახდინოს მისი აღდგენა და იხელმძღვანელოს წარმოდგენილი ფასების ცხრილის მიხედვით ან/და მოახდინოს ჩართვის წერტილის ალტერნატიულ ელ-კვებაზე გადაერთება;
5. დამკვეთის მოთხოვნის შესაბამისად ხედვის კუთხისა და რაკურსის შეცვლა ან გასწორება;
6. მიმწოდებელმა უნდა მოახდინოს კამერების გარე გამოყენების კურპუსის სარკმლის და კამერის ლინზის (ობიექტივის) გაწმენდა საჭიროების დადგომის შემთხვევაში;
7. მიმწოდებელმა უნდა უზრუნველყოს ქ. ბათუმის მუნიციპალიტეტის მერიის საკუთრებაში არსებული პროგრამისა (Pelco Endura VMS) და ვიდეო ნაკადის ჩამწერი ფიზიკურ სერვერების (Pelco Endura Storage) გამართულად მუშაობა. იმ შემთხვევაში თუ Pelco Endura Storage ჩამწერი მოწყობილობა ან მისი რომელიმე დეტალი მწყობრიდან გამოვიდა და არ ექვემდებარება შეკეთებას, მიმწოდებელმა საკუთარები სახსრებით უნდა უზრუნველყოს სსიპ „ლევან სამხარაულის

„შემსყიდველი“

(ხელმოწერა)

„მიმწოდებელი“

(ხელმოწერა)

სახელობის სასამართლო ექსპერტიზის ეროვნული ბიუროდან“ დეფექტური აქტის, შემდგომში საექსპერტო დასკვნის წარმოდგენა. პოტენციურად მალფუნქციონირებადი კომპონენტების ჩამონათვალი წინასწარ თან უნდა ერთვოდეს ხელშეკრულებას;

8. მიმწოდებელმა ოპერატორების სამართავ კომპიუტერებზე უნდა მოახდინოს ე.წ. ცენტრალური კონსოლების (Endura Client)-ის აღდგენა, საჭიროების შემთხვევაში ხელახალი ინსტალაცია და გამართვა.
 9. ქ. ბათუმის მუნიციპალიტეტის მერიის შენობაში (ლ. ასათიანის ქ. N25, ბათუმი) მონიტორინგის ოთახის აღჭურვა, (იხ. ფასების ცხრილი):
 1. 40 ინჩი (102 სმ) Full HD LCD TV - 1 ცალი;
 2. Endura Client-ის თავსებადი კომპიუტერი (სისტემური ბლოკი, Intel Core i5-7400, 8GB ოპერატიული მეხსიერება, მყარი დისკი 1TB 7,200ბრ/წთ, გრაფიკული ბარათი GT 1060 2GB GDDR5 64-bit HDMI-out გრაფიკული ბარათი; - 1 ცალი;
 3. შიდა სამეთვალყურეო IP კამერა, HD გაფართოვების, გუმბათოვანი ტიპის, არსებული ჩამწერი სერვერების თავსებადი - 2 ცალი;
 4. მონიტორინგის ოთახში (ლ. ასათიანის ქ. N25, ბათუმი) შიდა კომპიუტერული ქსელის შექმნა და ქალაქში განთავსებული ერთიანი ვიდეო-სამეთვალყურეო კამერების ქსელზე დაერთება.
 10. ყოველთვიურად უნდა შემოწმდეს სასერვერო ოთახის ინფრასტრუქტურა და უზრუნველყოს კომპონენტების გამართული მუშაობა:
 1. გაგრილება-კონდიციონერების აგრეგატების მომსახურება, რომელსაც საჭიროების შემთხვევაში უნდა დაემატოს ფრეონი, საჭიროების შემთხვევაში გარე ბლოკების გარეცხვა და შიდა ბლოკის ფილტრების გაწმენდა.
 2. „FG WILSON“-ის წარმოების დიზელ გენერატორის ყოველთვიური გეგმიური მომსახურება. საჭიროების შემთხვევაში საკუთარი სახსრებით უნდა მოახდინოს ძრავის ზეთის და ყველა საჭირო ფილტრის შეცვლა. ვალდებულება არ მოიცავს საწვავით (დიზელით) მომარაგებას და სხვა მარაგი ნაწილების ან/და დეტალების შეცვლას.
 3. სტაბილიზატორის გეგმიური ინსპექტირება, თვეში ერთხელ.
 4. მიმწოდებელმა საკუთარი სახსრებით უნდა უზრუნველყოს უწყვეტი კვების სისტემის (TRIPP LITE SUINT3000RTXL3u) გეგმიური ინსპექტირება და მომსახურება. საჭიროების შემთხვევაში სერთიფიცირებულმა ინჟინრმა უნდა განახორციელოს აკუმულატორების გამოცვლა.
 5. მიმწოდებელმა უნდა უზრუნველყოს დაბა ანგისის ტერიტორიაზე არსებული საკომუნიკაციო კვანძში (სასერვეროში) მეხამრიდის მოწყობა.
 11. მიმწოდებელმა საკუთარი სახსრებით უნდა უზრუნველყოს ტექნიკის მომსახურებასთან დაკავშირებული ყველა ხარჯი, მათ შორის ამწე-კალათის და სხვა სატრანსპორტო საშუალების მობილიზება;
 12. ტექნიკური პირობებით და ფასების ცხრილით გათვალისწინებული საქონელი უნდა იყოს ახალი, ქარხნული წესით დამზადებული.
- **რეაგირების დრო:** გამოძახებიდან არაუგვიანეს 1 საათში მიმწოდებელმა უნდა მოახდინოს ჯგუფის და ამწე კალათის მობილიზება და მივლინება ვიდეო-სამეთვალყურეო კამერასთან. გამოძახება დასაშვებია დღე-ღამის ნებისმიერ დროს, მათ შორის ოფიციალურ უქმე დღეებში.

შენიშვნა: მიმწოდებლის პასუხისგებლობაში არ შედის: დიზელ გენერატორების საწვავით უზრუნველყოფა, კამერების ჩართვის წერტილებთან და სასერვეროში ელ-ენერგიის როგორც პირველადი წყაროს ყოველთვიური სატარიფო ხარჯები.